

Dhammapada

A part of *Suttantapīṭaka* of *Tipīṭaka* of Buddhism

Kit J. Tyabandha, Ph.D.

introduced and typeset with *Ante-Bābhel Pāli*

AB © 2009, Kit Johnstone Tyabandha

Manchester, U.K.

4 December 2009

Tipiṭaka at John Rylands Library

by

Kit Johnstone, Ph.D.

A set of *Tipiṭaka* was given to the University of Manchester in 1898 by *Rāma* V of *Sīam*. They were published in 1888 in *Bangkok* for the silver jubilee of his reign in 1894. The complete set comprises 39 volumes, and is divided into three main sections, namely *Vinayapiṭaka* (1–8), *Suttantapiṭaka* (9–28), and *Abhidhammapiṭaka* (29–39). In 2009 when I found them there were 38 volumes in total remaining, and the one volume missing was Volume 15. From the introduction the set were published in hundreds, not in thousands. I try to put them into the computer in Roman alphabet. The process is slow because I am doing it manually on my own.

Titles according to my plan are the following, the numbers within brackets being volume numbers of the manuscript:

Aṅguttaranikāya (20–24), *Bhikkhunīvibhaṅga* (3), *Cūlaniddesa* (27), *Cullavagga* (6–7), *Dhammasaṅgaṇi* (29), *Dīghanikāya* (9–11), *Dhammapada* (25), *Dhātukathā* (31), *Itivuttaka* (25), *Kathāvatthu* (32), *Khuddakapāṭha* (25), *Mahāniddesa* (26), *Mahāvagga* (4–5), *Mahāvibhaṅga* (1–2), *Majjhimanikāya* (12–14), *Parivāra* (8), *Paṭisambhidāmagga* (28), *Paṭṭhāna* (36–39), *Samyuttanikāya* (15–19), *Suttanipāta* (25), *Udāna* (25), *Vibhaṅga* (30) and *Yamaka* (33–35).

Attached to the inside of the front cover of the first volume is a dedication in *Pāli* which reads,

Idaṃ Tepiṭakam.

*Dakkhiṇabuddhamāmakānaṃ sammābhimānanālipīnaṃ lañchanaṃ raññāparamin-
da mahācūlālanikaraṇena syāmekarājabhūtena pañcaviṣatīyā saṃvaccharānaṃ pa-
ripunṇānamaccaye pākāṭaṃ katvā muddāpitaṃ, imasmiṃca kāraṇe.*

Mahāvidyālayassa anussaranīyaṃ dinnaṃ.

M’haṇḍyalaī Manchester.

From the introduction we have the full, official name of *Rāma* V,

*Braḥṇasomdec
Braprindrm’ha-Culalongkaurṇi
Bḍindaurdebyām’hamongkuḍ
Buruṣyāratnrājrvivongṣ
Vrutmbongṣbribatr
Vaurkhatiyārajnikrōdom
Caturantbromm’haçakrbarrāḍajsangkaṣ
Bromdharmikm’harajadhiraj
Bromnārthḥbitr
Bra-Culcaumklaòcaòyūhōa.*

Kit Tyabandha, Ph.D.
Manchester, 2009

‘What is Ante-Babel?’ in Ante-Babel *Daii*, *Lanna* and *Sanskrit*, written in T_EX

What is Ante-Babel?

by

Kit Johnstone, Ph.D.

Ante-Babel is a name given by Kit Tyabandha to his project of inventing systems of pointed Roman alphabet that correspond one-to-one, in other words that are isomorphic, to non-Roman alphabets and symbols used in writing languages. He wanted to develop such a system for writing *Lanna* since 2000 AD, but succeeded first for *Daii* in 2003. The name he gave to his system then was *Sanskrit-Pīnyīn-Daii*, the precursor of what we would now call Ante-Babel *Daii*. This latter name is better not in the least because *pīnyīn* is still not an AB, some information still being lost going there from the actual Chinese characters used.

Some of the systems in AB are adopted instead of invented, for example English and Maori. For these we need not be pretentious by calling them individually as, for instance AB English, or AB Maori, but simply as English and Maori. But if we were talking about several languages some of whose AB’s are invented, we could say, for example Ante-Babel *Cebhrith*, English, *Lanna* and Maori, to make it easier.

It would be a good idea to find an AB system for every language. Such systems would be very useful. At least without them no Poems and Parallel Proses would have been possible without being contrived.

Kit Johnstone, Ph.D.
Manchester, October 2009

‘Ante-Babel *Pāli*’ with Ante-Babel *Pāli*, written in T_EX

Ante-Babel *Pāli*

by

Kit Johnstone, Ph.D.

As Ante-Babel draws heavily from the standard romanisation of *Sanskṛt* and *Pāli* the AB *Pāli* is merely the same as the existing system already in use. This is the following.

Vowel

a ā i ī u ū e o

Consonant

k	kh	g	gh	ṅ
c	ch	j	jh	ñ
ṭ	ṭh	ḍ	ḍh	ṇ
t	th	d	dh	n
p	ph	b	bh	m

y r l v s h ḷ ṃ

Kit Tyabandha, Ph.D.
Manchester, 2009

Suttantapiṭake khuddakanikāyo.

Namo tassa bhagavato arahato sammāsambuddhassa.

Dhammapadagāthā

Yamakavaggo.

Manopubbaṅgamā dhammā,
Manoseṭṭhā manomayā,
Manasā ce paduṭṭena,
Bhāsati vā karoti vā,
Tato naṃ dukkhamanveti,
Cakkaṃva vahato padaṃ.
Manopubbaṅgamā dhammā,
Manoseṭṭhā manomayā
Manasā ce pasannena
Bhāsati vā karoti vā,
Tato naṃ sukhamanveti,
Chāyāva anupāyinī.
Akkocchi maṃ avadhimāṃ
Ajini maṃ ahāsi me
Ye ca taṃ upanayhanti,
Verāṃ tesāṃ na sammati.
Akkocchi maṃ avadhi maṃ
Ajini maṃ ahāsi me
Ye ca taṃ nūpanayhanti,
Verāṃ tesūpasammati.
Na hi verena verāni
Sammantīdha kudācanāṃ,
Averena ca sammanti,
Esa dhammo sanantano.
Pare ca na vijānanti
Mayamettha yamāmhase
Ye ca tattha vijānanti,
Tato sammanti medhagā.
Subhānupassīṃ viharantaṃ
Indriyesu asaṃvutaṃ
Bhojanamhi amattaññuṃ
Kusītaṃ hīnavīriyaṃ
Taṃ ve pasahati māro,
Vāto rukkaṃva dubbalaṃ.
Asubhānupassīṃ viharantaṃ
Indriyesu susaṃvutaṃ
Bhojanamhi ca mattaññuṃ
Saddhaṃ āradhaviīriyaṃ
Taṃ ve nappasahati māro,
Vāto selaṃva pabbataṃ.
Anikkasāvo kāsavaṃ
Yo vatthaṃ paridhessati

Apeto damasaccena,
 Na so kāsāvamarahati.
 Yo ca vantakasāvassa
 Silesu susamāhito
 Upeto damasaccena,
 Sa ve kāsāvamarahati.
 Asāre sāramatino
 Sāre cāsāradassino
 Te sāraṃ nādhigacchanti
 Micchāsaṃkappagocarā.
 Sārañca sārato ñatvā
 Asārañca asārato
 Te sāraṃ adhigacchanti
 Sammāsaṃkappagocarā.
 Yathā agāraṃ ducchannaṃ
 Vuṭṭhī samativijjhati;
 Evaṃ abhāvitaṃ cittaṃ
 Rāgo samativijjhati.
 Yathā agāraṃ succhannaṃ
 Vuṭṭhī na samativijjhati;
 Evaṃ subhāvitaṃ cittaṃ
 Rāgo na samativijjhati.
 Idha socati pecca socati,
 Pāpakārī ubhayattha socati,
 So socati so vihaññati
 Disvā kammakiliṭṭhamattano.
 Idha modati pecca modati,
 Katapuñño ubhayattha modati,
 So modati so pamodati
 Disvā kammavisuddhimattano.
 Idha tappati pecca tappati,
 Pāpakārī ubhayattha tappati,
 Pāpaṃ me katanti tappati,
 Bhiyyo tappati duggatiṃ gato.
 Idha nandati pecca nandati,
 Katapuñño ubhayattha nandati,
 Puññaṃ me katanti nandati,
 Bhiyyo nandati sugatiṃ gato.
 Bahumpi ce sahitaṃ bhāsamāno
 Na takkaro hoti naro pamatto
 Gopova gāvo gaṇayaṃ paresaṃ
 Na bhāgavā sāmāññassa hoti.
 Appampi ce sahitaṃ bhāsamāno
 Dhammassa hoti anudhammacārī,
 Rāgañca dosañca pahāya mohaṃ
 Sammappajāno suvimuttacitto
 Anupādiyāno idha vā huraṃ vā
 Sa bhāgavā sāmāññassa hoti.

Yamakavaggo paṭhamo.

Appamādavaggo.

Appamādo amataṃ padaṃ,
Pamādo maccuno padaṃ,
Appamattā na mīyanti,
Ye pamattā yathā matā,
Etaṃ visesato ñatvā
Appamādamhi paṇḍitā
Appamāde pamodanti
Ariyānaṃ gocare ratā,
Te jhāyino sātatikā
Niccaṃ dalhaparakkamā
Phusanti dhīrā nibbānaṃ
Yogakkhemaṃ anuttaraṃ
Uṭṭhānavato satimato
Sucikammassa nisammakārino
Saññatassa ca dhammajīvino
Appamattassa yaso bhivaḍḍhati
Uṭṭhānenappamādena
Saññāmena damena ca
Dīpaṃ kayirātha medhāvī
Yaṃ ogho nābhikīrati.
Pamādamanuyuñjanti
Bālā dummedhino janā,
Appamādañca medhāvī
Dhanaṃ seṭṭhaṃva rakkhati.
Mā pamādamanuyuñjetha,
Mā kāmaratisanthavaṃ,
Appamatto hi jhāyanto
Pappoti vipulaṃ sukhaṃ.
Pamādaṃ appamādena
Yadā nūdati paṇḍito,
Paññāpāsāsādamāruyha
Asoko sokiṇiṃ pajāṃ,
Pabbataṭṭhova bhummaṭṭhe
Dhīro bāle avekkhati.
Appamatto pamattesu
Suttesu bahuajāgaro
Abalassaṃva sīghasso
Hitvā yāti sumedhaso.
Appamādena maghavā
Devānaṃ seṭṭhataṃ gato,
Appamādaṃ pasaṃsanti,
Pamādo garahito sadā.
Appamādarato bhikkhu
Pamāde bhayadassi vā

Saññojanaṃ aṇuṃthūlaṃ
Dahaṃ aggīva gacchati.
Appamādarato bhikkhu
Pamāde bhayadassi vā
Abhabbo parihānāya
Nibbānasseva santike.
Appamādavaggo dutiyo.

Cittavaggo.

Phandanaṃ capalaṃ cittaṃ
Durakkhaṃ dunnivārayaṃ
Ujjuṃ karoti medhāvī,
Usukārova tejanaṃ.
Vārijoṇaṃ thale khitto
Okamokataubbhato,
Pariphandatidaṃ cittaṃ
Māradheyyaṃ pahātave.
Dunniggahassa lahuno
Yattha kāmanipātino
Cittassa damatho sādhu,
Cittaṃ dantaṃ sukhāvahaṃ.
Sududdasaṃ sunipuṇaṃ
Yattha kāmanipātinaṃ
Cittaṃ rakkhetha medhāvī
Cittaṃ guttaṃ sukhāvahaṃ.
Dūraṃgamaṃ ekacaraṃ
Asarīraṃ guhāsayaṃ
Ye cittaṃ saññamessanti,
Mokkhanti mārabandhanā
Anavaṭṭhiccittassa
Saddhammaṃ avijānato
Paripalavapasādassa
Paññā na paripūrati.
Anavassuticcittassa
Ananvāhatacetaso
Puññapāpapahīnassa
Natthi jāgarato bhayaṃ.
Kumbhūpamaṃ kāyamidaṃ viditvā
Nagarūpamaṃ cittaṃidaṃ ṭhketvā
Yodhetha mārāṃ paññāvudhena
Jitañca rakkhe anivesino siyā.
Aciraṃ vatayaṃ kāyo
Paṭhaviṃ adhisessati
Chuddo apetaviññāṇo,
Niratthaṃva kalimṇagaraṃ.
Diso disaṃ yantaṃ kayirā

Verī vāpana verinaṃ
Micchāpaṇihitaṃ cittaṃ
Pāpiyo naṃ tato kare.
Na taṃ mātā pitā kayirā,
Aññe vāpica ñātakā
Sammā paṇihitaṃ cittaṃ
Seyyaso naṃ tato kare.

Suttantapiṭake khuddakanikāyo.

Cittavaggo tatiyo.

Pupphavaggo.

Ko imaṃ paṭhaviṃ vicessati
Yamalokañca imaṃ sadevakaṃ,
Ko dhammapadaṃ sudesitaṃ
Kusalo pupphamiva pacesati.
Sekho paṭhaviṃ vicessati
Yamalokañca imaṃ sadevakaṃ,
Sekho dhammapadaṃ sudesitaṃ
Kusalo pupphamiva pacesati.

Pheṇūpamaṃ kāyamimaṃ viditvā
Marīcidhammaṃ abhisambudhāno
Chetvāna mārassa ca pupphakāni
Adassanaṃ maccurājassa gacche.

Pupphāniheva pacinantaṃ
Byāsattamanasa naraṃ
Suttaṃ gāmaṃ mahoghova
Maccu ādāya gacchati.
Pupphāniheva pacinantaṃ
Byāsattamanasaṃ naraṃ
Attittaṃ yeva kāmesu
Antako kurute vasaṃ.
Yathāpi bhamaro pupphaṃ
Vaṇṇavantaṃ agandhakaṃ
Paleti rasamādāya;
Evaṃ gāme munī care.
Na paresaṃ vilumāni
Na paresaṃ katākataṃ
Attanova avekkheyya
Katāni akatāni ca.
Yathāpi ruciraṃ pupphaṃ
Vaṇṇavantaṃ agandhakaṃ;
Evaṃ subhāsitaṃ vācā
Aphalā hoti akubbato.
Yathāpi ruciraṃ pupphaṃ
Vaṇṇavantaṃ agandhakaṃ;

Evaṃ subhāsītā vācā
 Saphalā hoti sukubbato.
 Yathāpi puppharāsīmhā
 Kayirā mālāguḷe bahū;
 Evaṃ jātena maccena
 Kattabbaṃ kusalaṃ bahuṃ.

Na pupphagandho paṭivātameti
 Na candanaṃ tagaramallikā vā
 Satañca gandho paṭivātameti
 Sabbā disā sappuriso pavāyati.

Candanaṃ tagaraṃ vāpi
 Uppalaṃ atha vassikī
 Etesaṃ gandhajātānaṃ
 Silagandho anuttaro.
 Appamatto ayaṃ gandho
 Yvāyaṃ tagaracandanī,
 Yo ca sīlavataṃ gandho
 Vāti devesu uttamo.
 Tesaṃ sampannasīlānaṃ
 Appamādavihāriṇaṃ
 Sammadaññā vimuttānaṃ
 Māro maggaṃ na vindati.
 Yathā saṅkāradhānaṃ
 Ujjhitasmīṃ mahāpathe
 Padumaṃ tattha jāyetha
 Sucigandhaṃ manoramaṃ,
 Evaṃ saṅkārabhūtesu
 Andhabhūte puthujjane
 Atirocati paññāya
 Sammāsambuddhasāvako.
 Pupphavaggo catuttho.

Bālavaggo.

Dīghā jāgarato ratti,
 Dīghaṃ santassa yojanaṃ,
 Dīgho bālānaṃ saṃsāro
 Saddhammaṃ avijānataṃ.
 Caraṇce nādhigaccheyya
 Seyyaṃ sadisamattano,
 Ekacariyaṃ daḷhaṃ kayirā,
 Natthi bāle sahāyatā.
 Puttāmatthi dhanamatthi
 Iti bālo vihaññati,
 Attā hi attano natthi
 Kuto puttā kuto dhanam.

Yo bālo maññati bālyaṃ
 Paṇḍito vāpi tena so,
 Bālo ca paṇḍitamānī
 Save bāloti vuccati.
 Yāvajīvampi ce bālo
 Paṇḍitaṃ payirupāsati,
 Na so dhammaṃ vijānāti
 Dabbī sūparaṣaṃ yathā.
 Muhuttampi ce viññū
 Paṇḍitaṃ payirupāsati,
 Khippaṃ dhammaṃ vijānāti
 Jivhā sūparaṣaṃ yathā.
 Caranti bālā dummedhā
 Amitteneva attanā
 Karontā pāpakaṃ kammaṃ
 Yaṃ hoti kaṭukapphalaṃ.
 Na taṃ kammaṃ kataṃ sādhu,
 Yaṃ katvā anutappati,
 Yassa assumukho rodaṃ
 Vipākaṃ paṭisevati.
 Tañca kammaṃ kataṃ sādhu
 Yaṃ katvā nānutappati,
 Yassa patīto sumano
 Vipākaṃ paṭisevati.
 Madhuvā maññati bālo
 Yāva pāpi na paccati,
 Yadā ca paccati pāpaṃ
 Atha (pālo) dukkhaṃ nigacchati.
 Māse māse kusaggena
 Bālo bhuñjetha bhojanaṃ,
 Na so saṅkhātadhammānaṃ
 Kallaṃ agghati soḷasiṃ.
 Na hi pāpaṃ kataṃ kammaṃ
 Sajjukhīraṃva muccati,
 Dahantaṃ bālaṃanveti
 Bhasmācchannova pāvako.
 Yāvadeva anattāya
 Ñattaṃ bālassa jāyati,
 Hanti bālassa sukkamaṃ
 Muddhaṃ assa vipātayaṃ.
 Asantaṃ bhāvamiccheyya
 Purekkhārañca bhikkhusu
 Āvāsesu ca issariyaṃ
 Pūjā parakulesu ca
 Mameva kata maññantu
 Gihī pabbajitā ubho
 Mameva ativasā assu
 Kiccākiccesu kismici

Iti bālassa saṅkappo
Icchā māno ca vaḍḍhati
– Aññā hi lābhūpanisā
Aññā nibbānagāminī
Evametaṃ abhiññāya
Bhikkhu buddhassa sāvako
Sakkāraṃ nābhinandeyya
Vivekamanubrūhaye.

Bālavaggo pañcamo.

Paṇḍitavaggo

Nidhīnaṃva pavattāraṃ
Yaṃ passe vajjadassinaṃ
Niggayhavādiṃ medhāviṃ,
Tādisaṃ paṇḍitaṃ bhaje,
Tādisaṃ bhajamānassa
Seyyo hoti na pāpiyo.
Ovadeyyānusāseyya
Asabbhā ca nivāraye,
Sataṃ hi so piyo hoti,
Asataṃ hoti appiyo
Na bhaje pāpake mitte,
Na bhaje purisādhame.
Bhajetha mitte kalyāṇe
Bhajetha purisuttame.
Dhammapāṭisukhaṃ seti
Vippasannena cetasā,
Ariyappavedite dhamme
Sadā ramati paṇḍito

Udakañhi nayanti nettikā,
Usukārā namayanti tejanaṃ,
Dāruṃ namayanti tacchakā,
Attānaṃ damayanti paṇḍitā.

Selo yatthā ekaghano
Vātena na samīrati,
Evaṃ nindāpasamsāsu
Na sammiñjanti paṇḍitā.
Yathāpi rahado gambhīro
Vippasanno anāvilo,
Evaṃ dhammāni sutvāna
Vippasīdanti paṇḍitā

Sabbattha ve sappurisā vajanti,
Na kāmakāmā lapayanti santo,
Sukhena phuṭṭhā athavā dukkhena

Na uccāvacaṃ paṇḍitā dassayanti.
 Na attahetu na parassa hetu
 Na puttamicche na dhaṇaṃ na raṭṭhaṃ
 Na iccheyya adhammena samiddhimattano,
 Sa sīlavā paññavā dhammiko siyā.
 Appakā te manussesu,
 Ye janā pāragāmino;
 Athāyaṃ itarā pajā
 Tīramevānudhāvati.
 Ye ca kho sammadakkhāte
 Dhamme dhammānuvattino,
 Te janā pāramessanti
 Maccudheyyaṃ suduttaraṃ.
 Kaṇhaṃ dhammaṃ vippahāya
 Sukkaṃ bhāvētha paṇḍito,
 Okā anokamāgama
 Viveke yattha dūramaṃ,
 Tatrābhiratimiccheyya
 Hitvā kāme akiñcano,
 Pariyodapeyya attānaṃ
 Cittaklesehi paṇḍito
 Yesaṃ sambodhiaṅgesu
 Sammā cittaṃ subhāvitam,
 Ādānapaṭinissagge
 Anupādāya ye ratā,
 Khīṇāsavā jutimanto
 Te loka parinibbutā.
 Paṇḍitavaggo chaṭṭho.

Arahantavaggo.

Gataddhino visokassa
 Vippamuttassa sabbadhi
 Sabbaganthappahīnassa
 Pariḷāho na virajjati.
 Uyyuñjanti satīmanto,
 Na nikete ramanti te,
 Haṃsāva pallalaṃ hitvā
 Okamokaṃ jahanti te.
 Yesaṃ sanniccayo natthi,
 Ye pariññātabhojanā,
 Suññato animitto ca
 Vimokkho yesaṃ gocaro.
 Ākāseva sukuntānaṃ
 Gati tesam durannayā.
 Yassāsavā parikkhīṇā,
 Ahāre ca anissito,
 Suññato animitto ca

Vimokkho yassa gocaro
Ākāseva sakuntānaṃ
Padantassa durannayaṃ.

Yassindriyāni samathaṅgatāni
Assā yathā sārathinā sudantā
Pahīnamānassa anāsavassa
Devāpi tassa pihayanti tādino.
Paṭhavīsamo no virujjhati
Indakhīlūpamo tādī subbato
Rahadova apetakaddamo
Saṃsārā na bhavanti tādino.

Santaṃ tassa manaṃ hoti,
Santā vācā ca kamma ca,
Sammadaññā vimuttassa
Upasantassa tādino.
Assaddho akataññū ca
Sandhicchedo ca yo naro
Hatāvakāso vantāso
Save uttamaporiso.
Gāme vā yadivāraññe
Ninne vā yadivā thale
Yattha arahanto viharanti,
Taṃ bhūmirāmaṇeyyakam.
Ramaṇīyāni araṇṇāni,
Yattha na ramatī jano,
Vītarāgā ramessanti,
Na te kāmagavesino.

Arahantavaggo sattamo

Sahassavaggo

Sahassamapi ce vācā
Anatthapadasaṇhitā,
Ekaṃ atthapadaṃ seyyo,
Yaṃ sutvā upasammati.
Sahassamapi ce gāthā
Anatthapadasaṇhitā,
Ekaṃ gāthāpadaṃ seyyo,
Yaṃ sutvā upasammati.
Yo ca gāthāsataṃ bhāse
Anatthapadasaṇhitā,
Ekaṃ dhammapadaṃ seyyo,
Yaṃ sutvā upasammati.
Yo sahassaṃ sahassena
Saṅgāme mānuse jine,
Ekaṃca jeyyamattānaṃ

Save saṅgāmajuttamo.
 Attā have jitaṃ seyyo,
 Yā cāyaṃ itarā pajā,
 Attadantassa posassa
 Niccaṃ saññattacārino,
 Neva devo na gandhabbo
 Na māro saha brohmunā
 Jitaṃ apajitaṃ kayirā
 Tathārūpassa jantuno.
 Māse māse sahasena
 Yo yajetha satam samaṃ
 Ekañca bhāvitattānaṃ
 Muhuttamapi pūjaye,
 Sāyeva pūjanā seyyo
 Sañce vassasataṃ hutam.
 Yo ca vassasataṃ jantu
 Aggim paricare vane,
 Ekañca bhāvitattānaṃ
 Muhuttamapi pūjaye.
 Sāyeva pūjanā seyyo,
 Yañce vassasataṃ hutam.

Yaṅkiñci yiṭṭhamva hutamva loke
 Samvaccharaṃ yajetha puññapekho
 Sabbampi tam na catubhāgameti
 Abhivādanā ujugatesu seyyo.

Abhivādanasīlissa
 Niccaṃ vuḍḍhāpacāyino
 Cattāro dhammā vaḍḍhanti
 Āyu vaṇṇo sukhaṃ balaṃ.
 Yo ca vassasataṃ jīve
 Dussīlo asamāhito,
 Ekāhaṃ jīvitam seyyo
 Silavantassa jhāyino.
 Yo ca vassasataṃ jīve
 Duppañño asamāhito
 Ekāhaṃ jīvitam seyyo
 Paññavantassa jhāyino.
 Yo ca vassasataṃ jīve
 Kusīto hīnavīriyo
 Ekāhaṃ jīvitam seyyo,
 Viriyaṃ ārathato dalhaṃ.
 Yo ca vassasataṃ jīve
 Apassaṃ udayabbayaṃ
 Ekāhaṃ jīvitam seyyo
 Passato udayabbayaṃ.
 Yo ca vassasataṃ jīve

Apassam amataṃ padaṃ,
 Ekāhaṃ jīvitaṃ seyyo
 Passato amataṃ padaṃ.
 Yo ca vassasataṃ jīve
 Apassam dhammamuttamaṃ
 Ekāhaṃ jīvitaṃ seyyo
 Passato dhammamuttamaṃ.
 Sahassavaggo aṭṭhamo.

Pāpavaggo.

Abhittharetha kalyāṇe,
 Pāpā cittaṃ nivāraye,
 Dandhaṃ hi karato puññaṃ
 Pāpasmim ramatī mano.
 Pāpañce puriso kayirā,
 Na naṃ kayirā punappunaṃ,
 Na tamhi chandaṃ kayirātha,
 Dukkho pāpassa uccayo.
 Puññañce puriso kayirā,
 Kayirāthenaṃ punappunaṃ,
 Tamhi chandaṃ kayirātha,
 Sukho puññassa uccayo.
 Pāpopi passati bhadrāṃ,
 Yāva pāpaṃ na paccati;
 Yadā ca paccati pāpaṃ,
 Atha (pāpo) pāpāni passati.
 Bhadropi passati pāpaṃ,
 Yāva bhadrāṃ na paccati;
 Yadā ca paccati bhadrāṃ,
 Atha (bhadro) bhadraṇi passati.
 Māvamaññetha pāpassa
 – Na mattaṃ āgamissati,
 Udbindunipātena
 Udakumbhopi pūrati,
 Āpūrati bālo pāpassa
 Thokaṃ thokaṃpi ācinaṃ.
 Māvamaññetha puññassa
 – Na mattaṃ āgamissati
 Udabindunipātena
 Udakumbhopi pūrati,
 Āpūrati dhīro puññassa
 Thokaṃ thokaṃpi ācinaṃ.
 Vāṇijova bhayaṃ maggaṃ
 Appasattho mahaddhano,
 Visaṃ jīvitukāmovā,
 Pāpāni parivajjaye.
 Pāṇimhi ce vaṇo nāssa,

Hareyya pāṇinā viṣaṃ,
Nābbaṇaṃ viṣamaṇveti,
Natthi pāpaṃ akubbato.

Yo appaduṭṭhassa narassa dussati
Suddhassa posassa anaṅgaṇassa
Tameva bālaṃ pacceti pāpaṃ
Sukhumo rajo pativātaṃva khitto.

Gabbhameke uppajjanti,
Nirayaṃ pāpakammino,
Saggaṃ sugatino yanti,
Parinibbanti anāsavā

Na antalikkhe, na samuddamajjhe,
Na pabbatānaṃ vivaraṃ pavīsaṃ
Na vijjatī so jaggatippadeso,
Yatraṭṭhito muñceyya pāpakammā.
Na antalikkhe, na samuddamajjhe,
Na pabbatānaṃ vivaraṃ pavīsaṃ,
Na vijjatī so jaggatippadeso,
Yatraṭṭhitam nappasaheyya maccu.

Pāpavaggo navamo.

Daṇḍavaggo.

Sabbe tasanti daṇḍassa,
Sabbe bhāyanti maccuno
Attānaṃ upamaṃ katvā
Na haneyya na ghātaye.
Sabbesaṃ jīvitaṃ piyaṃ,
Attānaṃ upamaṃ katvā
Na haneyya na ghātaye.
Sukhakāmāni bhūtāni
Yo daṇḍena vihiṃsati
Attano sukhamesāno,
Pecca so na labhate sukhaṃ
Sukhakāmāni bhūtāni
Yo daṇḍena na hiṃsati
Attano sukhamesāno,
Pecca so labhate sukhaṃ.
Mā vo ca pharusaṃ kañci,
Vuttā paṭivadeyyu taṃ,
Dukkhā hi sārambhakathā,
Paṭidaṇḍā phuseyyu taṃ.
Sace neresi attānaṃ,
Kaṃso upahato yathā;
Eso pattosi nibbānaṃ,

Sārambho te na vijjati.
 Yathā daṇḍena gopālo
 Gāvo pājeti gocaraṃ,
 Evaṃ jarā ca maccu ca
 Āyuraṃ pājenti pāṇinaṃ.
 Atha pāpāni kammāni
 Karaṃ bālo na bujjhati,
 Sehi kammehi dummetho
 Aggidaḍḍhova tappati
 Yo daṇḍena adaṇḍesu
 Appaduṭṭhesu dussati,
 Dasannamaññataraṃ ṭhānaṃ
 Khippameva nigacchati:
 Vedanaṃ pharusam jāniṃ
 Sarirassa pabhedanaṃ
 Garukaṃ vāpi ābādhaṃ
 Cittakkhepaṃva pāpuṇe,
 Rājato vā upasaggaṃ
 Abbhakkhānañca dāruṇaṃ
 Parikkhayaṃva ñātinaṃ
 Bhogānaṃva pabhaṅguṇaṃ,
 Athavāssa agārāni
 Aggi ḍahati pāvako,
 Kāyassa bhedā duppañño
 Nirayaṃ so uppajjati.

Na naggacariyā na jaṭā na paṇkā
 Nānāsakā thanḍilasāyikā vā
 Rajojallaṃ ukkuṭikappadhānaṃ
 Sodhenti maccaṃ avitiṇṇakaṅkhaṃ.
 Alaṅkato cepi samaṃ careyya
 Santo danto niyato brahmacārī
 Sabbesu bhūtesu nidhāya daṇḍaṃ,
 So brāhmaṇo so samaṇo so bhikkhu.

Hirinisedho puriso
 Koci lokasmi vijjati,
 Yo niddaṃ appabodheti
 Asso bhadro kasāmiva,

Asso yathā bhadro kasā nivittaṃ
 Ātāpino saṃvegiṇo bhavatha
 Saddhāya sīlena ca viriyena ca
 Samādhinā dhammavinicchayena ca
 Sampannavijjācaraṇā patissatā
 Pahassatha dukkhamidaṃ anappakaṃ
 Udaṃ hi nayanti nettikā,
 Usukarānamayanti tejanaṃ,

Dāruṃ namayanti tacchakā,
Attānaṃ damayanti subbatā
Daṇḍavaggo dasamo.

Jarāvaggo.

Ko nu hāso kimānando,
Niccaṃ pajjalite sati,
Andhakārena onaddhā
Padīpaṃ na gavessatha.
Passa cittakataṃ bimbaṃ
Arukāyaṃ samussitaṃ
Āturaṃ bahusaṃkappaṃ,
Yassa natthi dhuvaṇṭhiti.
Parijijñamidaṃ rūpaṃ
Rogaṇiḍḍhaṃ pabhaṃguṇaṃ,
Bhijjati pūti sandeho,
Maraṇantaṃ hi jīvitaṃ.
Yānimāni apatthāni
Alāpūneva sārade,
Kāpotakāni aṭṭhīni
Tāni disvāna kā rati.
Aṭṭhīnaṃ nagaraṃ kataṃ
Maṃsalohitalepanaṃ,
Yattha jarā ca maccu ca
Māno makkho ca ohito.

Jīranti ve rājarathā sucittā.
Atha sarīraṃ pi jaraṃ upeti,
Satañca dhammo na jaraṃ upeti,
Santo have sabbhi pavedayanti.

Appassutāyaṃ puriso
Balivaddova jīrati,
Attānameva paṭhamam
Patirūpe nivesaye,
Athaññāmanusāseyya
Na kilisseyya paṇḍito.
Attānañce tathā kayirā,
Yathaññāmanusāsati,
Sudanto vata dametha
Attā hi kira duddamo.
Attā hi attano natho,
Ko hi nātho paro siyā,
Attanā hi sudantena
Nāthaṃ labhati dullabhaṃ.
Attanāva kataṃ pāpaṃ
Attajaṃ attasambhavaṃ,

Abhimatthati dummedhaṃ
 Vajiraṃvamhamayaṃ maṇiṃ.
 Yassa accantadussīlyaṃ
 Māluvā sālami votataṃ,
 Karoti so tathattānaṃ
 Yathā naṃ icchatī diso.
 Sukarāni asādhūni
 Attano ahitāni ca,
 Yaṃ ve hitaṇca sādhuṇca
 Taṃ ve paramadukkaraṃ.
 Yo sāsanaṃ arahataṃ
 Ariyānaṃ dhammajīvaṇaṃ
 Paṭikkosati dummedho
 Diṭṭhiṃ nissāya pāpikaṃ,
 Phalāni kaṭṭhakasseva
 Attaghaṇṇāya phallati.
 Attanāva kataṃ pāpaṃ
 Attanā saṃkilissati,
 Attanā akataṃ pāpaṃ
 Attanāva visujjhati,
 Suddhi asuddhī paccattaṃ
 Nāṇho aññaṃ visodhaye.
 Attadatthaṃ paratthena
 Bahunāpi na hāpaye,
 Attadatthamabhiññāya
 Sadatthapasuto siyā.
 Attavaggo dvādasamo.

Lokavaggo.

Hīnaṃ dhammaṃ na seyya
 Pamādena na saṃvase,
 Micchādiṭṭhiṃ na seveyya
 Na siyā lokavaddhano.
 Uttiṭṭhe nappamajjeyya
 Dhammaṃ sucaritaṃ care,
 Dhammacārī sukhaṃ seti
 Asmiṃ loke paramhi ca.
 Dhammaṃ care sucaritaṃ
 Na naṃ duccharitaṃ care,
 Dhammacārī sukhaṃ seti
 Asmiṃ loke paramhi ca.
 Yathā pubbulaṃ passe,
 Yathā passe marīcikaṃ
 Evaṃ lokaṃ avekkhantaṃ
 Maccurājā na passati.
 Etha passathimaṃ lokaṃ
 Cittaṃ rājarathūpamaṃ,

Yattha bālā visīdanti
 Natthi saṅgo vijānataṃ.
 Yo ca pubbe pamaṃjītvā
 Pacchā so nappamaṃjīti,
 So imaṃ lokaṃ pabhāseti
 Abbhā muttova candimā.
 Yassa pāpaṃ kataṃ kammaṃ
 Kusalena pithīyati,
 So imaṃ lokaṃ pabhāseti
 Abbhā muttova candimā.
 Andhebhūto ayaṃ loko
 Tanukettha vipassati,
 Sakunto jālamuttova
 Appo saggāya gacchati.
 Haṃsā ādiccapathe yanti
 Ālāse yanti iddhiyā,
 Nīyanti dhīrā lokamhā
 Jetvā māraṃ savāhanaṃ.
 Ekaṃ dhammaṃ atītassa
 Musāvādissa jantuno
 Vitiṇṇaparalokassa
 Natthi pāpaṃ akāriyaṃ.

Na ve kadariyā davelokaṃ vajanti,
 Bālā have nappasaṃsanti dānaṃ,
 Dhīro ca dānaṃ anumodamāno
 Teneva so hoti sukhī parattha.

Pathavyā ekaraṃjjena
 Saggassa gamanena vā
 Sabbalokādhīpaccena
 Sotāpattiphalaṃ varaṃ.

Lokavaggo terasamo.

Buddhavaggo.

Yassa jitaṃ nāvaṃjīyati,
 Jitamassa no yāti koci loka,
 Taṃ buddhaṃ anantagocaraṃ
 Apadaṃ kena padena nessatha.
 Yassa jālinī visattikā
 Taṇhā natthi kuhiñci netave,
 Taṃ buddhaṃ anantagocaraṃ
 Apadaṃ kena padena nessatha.

Ye jhānapasutā dhīrā
 Nekkhammūpasame ratā,
 Devāpi tesāṃ pihayanti

Sambuddhānaṃ satīmatāṃ.
 Kiccho manussapaṭilābho,
 Kicchaṃ maccāna jīvitāṃ,
 Kicchaṃ saddhammasavanaṃ,
 Kiccho buddhānamuppado.
 Sabbapāpassa akaraṇaṃ,
 Kusalassūpasampadā,
 Sacittapariyodapanaṃ
 Etaṃ buddhāna sāsanaṃ.

Khantī paramaṃ tapo titikkhā,
 Nibbānaṃ paramaṃ vadanti buddhā
 Na hi pabbajito parūpaghātī
 Samaṇo hoti paraṃ viheṭṭhayanto.

Anupavādo anupaghāto
 Pātimokkhe ca saṃvaro
 Mattaññutā ca bhattasmiṃ
 Patthañca sayanāsanaṃ,
 Adhicitte ca āyogo
 Etaṃ buddhāna sāsanaṃ.
 Na kahāpaṇavassena
 Titti kāmesu vijjati,
 – Appassādā dukkhā kāmā
 Iti viññāya paṇḍito.
 Api dibbesu kāmesu
 Ratiṃ so nādhigacchati,
 Taṇhakkhayarato hoti
 Sammāsambuddhasāvako.
 Bahuṃ ve saraṇaṃ yanti
 Pabbatāni vanāni ca
 Ārāmarukkhacetyāni
 Manussā bhayatajjitā.
 Netāṃ kho saraṇaṃ khemaṃ,
 Netāṃ saraṇamuttamaṃ,
 Netāṃ saraṇamāgamma
 Sabbadukkhā pamuccati.
 Yo ca buddhañca dhammañca
 Saṃghañca saraṇaṃ gato
 Cattāri ariyasaccāni
 Sammappaññāya passati.
 Dukkhaṃ dukkhasamuppādaṃ
 Dukkhasa ca atikkamaṃ
 Ariyañcaṭṭhaṃgikaṃ maggaṃ
 Dukkūpasamagāminaṃ.
 Etaṃ kho saraṇaṃ khemaṃ,
 Etaṃ saraṇamuttamaṃ,
 Etaṃ saraṇamāgamma

Sabbadukkhā pamuccati.
Dullabho purisājañño
Na so sabbattha jāyati,
Yattha so jāyatī dhīro
Taṃ kulaṃ sukhamedhati.
Sukho duddhānaṃ uppādo,
Sukhā saddhammadesanā,
Sukhā saṃghassa sāmaggī,
Samaggānaṃ tapo sukho.
Pūjārahe pūjayato
Buddhe yadiva sāvake
Papañcasamatikkante
Tiṇṇasokapariddave
Te tādise pūjayato
Nibbute akutobhaye
Na sakkā puññaṃ saṃkhātuṃ
Imettamapi kenaci.

Buddhavaggo cuddasamo.

Paṭhamakabhāṇavāraṃ.

Sukhavaggo.

Susukhaṃ vata jīvāma
Verinesu averino,
Verinesu manussesu
Viharāma averino.
Susukhaṃ vata jīvāma
Āturesu anāturā,
Āturesu manussesu
Viharāma anāturā.
Susukhaṃ vata vīvāma
Ussukesu anussukā,
Ussukesu manussesu
Viharāma anussukā.
Susukhaṃ vata jīvāma,
Yesanno natthi kiñcanaṃ,
Pītibhakkhā bhavissāma
Deva ābhassarā yathā.
Jayaṃ veraṃ pasavati,
Dukkhāṃ seti parājito,
Upasanto sukhaṃ seti
Hitvā jayaparājayaṃ.
Natthi rāgasamo aggi,
Natthi dosasamo kali,
Natthi khandhā disā dukkhā,
Natthi santi paraṃ sukhaṃ.
Jighacchā paramā rogā,

Saṃkhārā paramā dukhā,
 Etaṃ ñatvā yathābhūtaṃ
 Nibbānaṃ paramaṃ sukhaṃ.
 Ārogyaparamā lābhā,
 Santuṭṭhīparamaṃ dhanaṃ,
 Vissāsaparamā ñāti
 Nibbānaṃ paramaṃ sukhaṃ.
 Pavivekaraṣaṃ pitvā
 Rasaṃ upasameṣṣa ca
 Niddaro hoti nippāpo
 Dhammapīṭiraṣaṃ pivaṃ.
 Sādhu dassanaṃariyānaṃ,
 Sannivāso sadā sukho,
 Adassanena bālānaṃ
 Niccameva sukhī siyā.
 Bālaṣaṃgatacārī hi
 Dīghamaddhāna socati,
 Dukkho bālehi saṃvaso,
 Amitteneva sabbadā
 Dhīro ca sukhasaṃvāso
 Ñātīnaṃva samāgamo.
 Tasmā hi:

Dhīrañca paññañca bahussutañca
 Dhorayhaṣilaṃ vatavantamāriyaṃ
 Taṃ tādisaṃ sappurisaṃ sumedhaṃ
 Bhajetha nakkhattapathaṃva candimā.
 Sukhavaggo paṇṇarasamo.

Piyavaggo.

Ayoge yuñjamattānaṃ
 Yogasmiñca ayojayaṃ,
 Atthaṃ hitvā piyaggāhī
 Pihetattānuyoginaṃ.
 Mā piyehi samāgañchi
 Appiyehi kudācanaṃ,
 Piyānaṃ adassanaṃ dukkhaṃ,
 Appiyānañca dassanaṃ.
 Tasmā piyaṃ na kayirātha
 Piyāpāyo hi pāpako,
 Ganthā tesāṃ na vijjanti
 Yesaṃ natthi piyāppiyaṃ.
 Piyato jāyatī soko,
 Piyato Jāyatī bhayaṃ,
 Piyato vippamuttassa
 Natthi soko kuto bhayaṃ.
 Pemato jāyatī soko,

Pematō jāyatī bhayaṃ,
 Pematō vippamuttassa
 Natthi soko kuto bhayaṃ.
 Ratiyā jāyatī soko,
 Ratiyā jāyatī bhayaṃ,
 Ratiyā vippamuttassa
 Natthi soko kuto bhayaṃ.
 Kāmato jāyatī soko,
 Kāmato jāyatī bhayaṃ,
 Kāmato vippamuttassa
 Natthi soko kuto bhayaṃ.
 Taṇhāya jāyatī soko,
 Taṇhāya jāyatī bhayaṃ,
 Taṇhāya vippamuttassa
 Natthi soko kuto bhayaṃ.
 Siladassanasampannaṃ
 Dhammatṭhaṃ saccavādināṃ
 Attano kammakubbānaṃ
 Tañjano kurute piyaṃ.
 Chandajāto anakkhāte
 Manasā ca puṭho siyā,
 Kāme ca appaṭibaddhacitto
 – Uddhaṃsototi vuccati.
 Cirappavāsiṃ purisaṃ
 Dūrato satthimāgataṃ
 Nātimittā suhajjā ca
 Abhinandanti āgataṃ.
 Tatheva katapuñṇampi
 Asmā lokā paraṃ gataṃ
 Puñṇāni patigaṇhanti
 Piyaṃ nātiva āgataṃ.
 Piyavaggo soḷasamo.

Kodhavaggo.

Kodhaṃ jahe vippajaheyya mānaṃ,
 Saññojanaṃ sabbamatikkameyya,
 Tannāmarūpasmiṃ asajjamānaṃ
 Akiñcanaṃ nānupatanti dukkhā.

Yo ve uppatitaṃ kodhaṃ
 Rathaṃ bhantaṃva dhāraye,
 Tamahaṃ sārathim brūmi
 Rasmiggāho itaro jano.
 Akkodhena jine kodhaṃ
 Asādhūṃ sādhunā jine,
 Jine kadariyaṃ dānena
 Saccena alikavādināṃ.

Saccam bhaṇe na kujjheyya,
 Dajjā appasmi yācito
 Etehi tīhi ṭhānehi
 Gacche devāna santike.
 Ahimsakā ye munayo
 Niccam kāyena saṃvutā,
 Te yanti accutaṃ ṭhānaṃ,
 Yattha gantvā na socare.
 Sadā jāgaramānānaṃ
 Ahorattānusikkhinaṃ
 Nibbānaṃ adhimuttānaṃ
 Atthaṃ gacchanti āsavā.
 Porāṇametaṃ atula
 Netam ajjatanāmiva,
 Nindanti tuṇhīmāsīnaṃ
 Nindanti bahubhāṇinaṃ
 Mitbhāṇinampi nindanti,
 Natthi loke anindito.
 Na cāhu na ca bhavissati
 Na cetaṛahi vijjati
 Ekantaṃ nindito poso
 Ekantaṃ vā paṣaṃsito.
 Yañce viññū paṣaṃsanti
 Anuvicca suve suve
 Acchiddavuttiṃ medhāviṃ
 Paññāsīlasamāhitaṃ
 Nekkhaṃ jambonadasseva
 Ko taṃ ninditumarahati,
 Devapi naṃ paṣaṃsanti
 Brahmunaṃ paṣaṃsito.
 Kāyappakopaṃ rakkheyya
 Kāyena saṃvuto siyā,
 Kāyaduccaritaṃ hitvā
 Kāyena sucaritaṃ care.
 Vacīpakopaṃ rakkheyya
 Vācāya saṃvuto siyā,
 Vacīduccaritaṃ hitvā
 Vācāya sucaritaṃ care.
 Manopakopaṃ rakkheyya
 Manasā saṃvuto siyā,
 Manoduccaritaṃ hitvā
 Manasā sucaritaṃ care.
 Kāyena saṃvutā dhīrā
 Atho vācāya saṃvutā
 Manasā saṃvutā dhīrā
 Te ve suparisavutā.
 Kodhavaggo sattarasamo.

Malavaggo.

Paṇḍupalāsova dānisi
Yamapurisāpi ca taṃ upatṭhitā
Uyyogamukhe ca tiṭṭhasi,
Pātheyyamapi ca te na vijjati.
So karoḥi dīpamattano,
Khippaṃ vāyama paṇḍito bhava
Niddhantamalo anaṃgaṇo
Dibbaṃ ariyabhūmimehisi.
Upanītavayova dānisi
Sampayātosī yamassa santike
Vāso pi ca te natthi antarā
Pātheyyampi ca te na vijjati.
So karoḥi dīpamattano,
Khippaṃ vāyama paṇḍito bhava,
Niddhantamalo anaṃgaṇo
Na puna jātijāraṃ upehisi.

Anupubbena medhāvī
Thokaṃ thokaṃ khaṇe khaṇe,
Kammāro rajatasseva
Niddhame malamattano.

Ayasāva malaṃ samuṭṭhitam
Taduṭṭhāya tameva khādāti
Evaṃ atidhonacāriṇam
Sāni kammāni naṃanti duggatiṃ.
Asajjhāyamalā mantā,
Anuṭṭhānamalā gharā,
Malaṃ vaṇṇassa kosajjaṃ
Pamādo rakkhato malaṃ.
Malitthiyā duccharitaṃ,
Maccheraṃ dadato malaṃ,
Malā ve pāpakā dhammā
Asmiṃ loke paramhi ca.
Tato malā malataraṃ
Avijjā paramaṃ malaṃ
Etaṃ malaṃ pahatvāna
Nimmalā hotha bhikkhavo.
Sujīvaṃ ahirikena
Kākasūrena dhamṣinā
Pakkhandinā pagabbhena
Saṃkiliṭṭhena jīvitaṃ.
Hirīmatā ca dujjīvaṃ
Niccaṃ sucigavesinā
Alīnappagabbhena
Suddhājīvena passatā.

Yo pāṇamatimāpeti
 Musāvādañca bhāsati,
 Loke adinnaṃ ādiyati
 Paradārañca gacchati.
 Surāmerayapānañca
 Yo naro anuyuñjati.
 Idheva meso lokasmiṃ
 Mūlaṃ khaṇati attano.
 Evaṃ bho purisa jānāhi
 Pāpadhammā asaṇṇatā
 Mā naṃ lobho adhammo ca
 Ciraṃ dukkhāya randhayuṃ.
 Dadanti ve yathāsaddhaṃ
 Yathāpasādanaṃ jano
 Tattha yo maṃku hoti
 Paresaṃ pānabhojane
 Na so divā vā rattiṃ vā
 Samādhim adhigacchati.
 Yassacetam samūhataṃ,
 Mūlaghaccaṃ samūhataṃ,
 Sa ve divā vā rattiṃ vā
 Samādhim adhigacchati.
 Natthi rāgasamo aggi,
 Natthi dosasamo gaho,
 Natthi mohasamaṃ jālaṃ,
 Natthi taṇhāsamaṃ nadi.
 Sudassaṃ vajjamaññesaṃ
 Attano pana duddasaṃ,
 Paresaṃ hi so vajjāni
 Opunāti yathābhusaṃ
 Attano pana chādeti
 Kalinva kitavā saṭho.
 Paravajjānupassissa
 Niccaṃ ujjhānasaṇṇino
 Āsavā tassa vaḍḍhanti,
 Ārā so āsavakkhayā.
 Ākāse padaṃ natthi,
 Samaṇo natthi bāhiro,
 Papañcābhiratā pajā
 Nippapañcā tathāgatā.
 Ākāse padaṃ natthi
 Samaṇo natthi bāhiro,
 Saṃkhārā sassatā natthi
 Natthi buddhāna iñjitaṃ.
 Malavaggo aṭṭhārasamo.

Dhammaṭṭhavaggo.

Na tena hoti dhammaṭṭho
 Yenatthaṃ sahasā naye,
 Yo catthaṃ anattañca
 Ubho niccheyya paṇḍito.
 Asāhasena dhammena
 Samena nayatī pare,
 Dhammassa gutto medhāvī
 – Dhammaṭṭhoti pavuccati.
 Na tena paṇḍito hoti
 Yāvatā bahu bhāsati,
 Khemī averī abhayo
 – Paṇḍitoti pavuccati.
 Na tāvatā dhammadharo
 Yāvatā bahu bhāsati,
 Yo ce appaṃ pi sutvāna
 Dhammaṃ kāyena passati,
 Sa ve dhammadharo hoti
 Yo dhammaṃ nappamajjati.
 Na tena thero hoti
 Yenassa phalitaṃ siro
 Paripakko vayo tassa
 – Moghajiṇṇoti vuccati.
 Yamhi saccañca dhammo ca
 Ahimsā saññāmo damo,
 Sa ve vantamalo dhīro
 – Theroti pavuccati.
 Na vākkaraṇamattena
 Vaṇṇapokkharatāya vā
 Sādhurūpo naro hoti
 Issukī maccharī saṭho.
 Yassa cetam samucchinnam
 Mūlaghaccaṃ samūhataṃ
 Sa vantadoso medhāvī
 – Sādhurūpoti vuccati.
 Na muṇḍakena samaṇo
 Abbato alikaṃ bhaṇam
 Icchālobhasamāpanno
 Samaṇo kiṃ bhavissati.
 Yo ca sameti pāpāni
 Aṇuṇṭhulāni sabbaso,
 Samitattā hi pāpānaṃ
 – Samaṇoti pavuccati.
 Na tena bhikkhu hoti
 Yāvatā bhikkhate pare,
 Vissaṃ dhammaṃ samādāya
 Bhikkhu hoti na tāvatā.
 Yodha puññañca pāpañca
 Bāhetvā brahmacariyavā

Saṃkhāya loke carati
 Sa ve – Bhikkhūti vuccati.
 Na monena munī hoti
 Mūlharūpo aviddasu,
 Yo ca tulaṃva paggayha
 Varamādāya paṇḍito.
 Pāpāni parivaḷḷeti
 Sa munī tena so muni,
 Yo munāti ubho loke
 Munī tena pavuccati.
 Na tena ariyo hoti
 Yena paṇāni hiṃsati,
 Ahimsā sabbapaṇānaṃ
 – Ariyoti pavuccati.
 Na silabbatamattena
 Bāhusaccena vā puna
 Athavā samādhilābhena
 Vivicca sayanena vā.
 Phusāmi nekkhammasukhaṃ
 Aputhujjanasevitaṃ
 Bhikkhu vissāsamāpādi
 Appatto āsavakkhayaṃ.
 Dhammaṭṭhavaggo ekūnavīsatiṃ.

Maggavaggo.

Maggānatṭhaṃgiko seṭṭho,
 Saccānaṃ caturō padā,
 Virāgo seṭṭho dhammānaṃ,
 Dipadānaṃ cakkhuma.
 Eseva maggo natthañño
 Dassanassa visuddhiyā,
 Etamhi tumhe paṭipajjatha
 Mārassetāṃ pamohanaṃ.
 Etamhi tumhe paṭipannā
 Dukkassantaṃ karissatha,
 Akkhāto ve mayā maggo
 Aññāya sallasatthanaṃ.
 Tumhehi kiccaṃ ātappaṃ
 Akkhātāro tathāgatā,
 Paṭipannā pamokkhanti
 Jhāyino mārabandhanā.
 – Sabbe saṃkhārā aniccāti
 Yadā paññāya passati,
 Atha nibbindatī dukkhe,
 Esa maggo visuddhiyā.
 – Sabbe saṃkhārā dukkhāti
 Yadā paññāya passati,

Atha nibbindatī dukkhe,
 Esa maggo visuddhiyā.
 – Sabbe dhammā anattāti
 Yadā paññāya passati,
 Atha nibbindatī dukkhe,
 Esa maggo visuddhiyā.

Uṭṭhānakālamhi anuṭṭhahāno
 Yuvā balī ālasiyaṃ upeto
 Saṃsannasaṃkappamano kusīto
 Paññāya maggaṃ alaso na vindati.
 Vācānurakkhī manasā saṃvuto
 Kāyena ca akusalaṃ na kayirā,
 Ete tayo kammaṃ pathe visodhaye,
 Ārādhaye maggaṃ isippaveditaṃ.

Yogā ve jāyatī bhūri,
 Ayogā bhūrisaṃkhayo,
 Etaṃ dvedhāpathaṃ nātva
 Bhavāya vibhavāya ca
 Athattānaṃ niveseyya,
 Yathā bhūri pavaḍḍhati.
 Vanaṃ chindatha mā rukkhamaṃ
 Vanato jāyatī bhayaṃ,
 Chetvā vanañca vanathañca
 Nibbanā hotha bhikkhavo.

Yāvaṃ hi vanatho na chijjati
 Aṇumatto pi narassa nārisu,
 Paṭibaddhamanova tāva so,
 Vaccho khīrapakova mātari.
 Uccinda sinehamattano,
 Kumudaṃ sārādikaṃva pāṇinā
 Santimaggameva brūhaya,
 Nibbānaṃ sugatena desitaṃ.

– Idha vassaṃ vasissāmi
 Idha hemantaḡimhisu
 Iti bālo vicinteti
 Antarāyaṃ na bujjhati.
 Taṃ puttapaśusammattaṃ
 Byāsattamanasaṃ naraṃ
 Suttaṃ gāmaṃ mahoghova
 Maccu ādāya gacchati.
 Na santi puttā tāṇāya
 Na pitā na pi bandhavā
 An takenāhipannassa
 Natthi nātisu tāṇatā.

Etamatthavaṣaṃ ñatvā
Paṇḍito sīlasaṃvuto
Nibbānagamaṇaṃ maggaṃ
Khippameva visodhaye.
Maggavaggo vīsatimo.

Pakiṇṇakavaggo.

Mattāsukhapariccāgā
Passe ce vipulaṃ sukhaṃ,
Caje mattāsukhaṃ dhīro
Sampassaṃ vipulaṃ sukhaṃ.
Paradukkhūpadhānena
Yo attano sukhamicchati,
Verasaṃsaggasaṃsaṭṭho
Verā so na parimuccati.
Yamhi kiccaṃ tadapaviddhaṃ
Akiccaṃ pana kayirati,
Unnalānaṃ pamattānaṃ
Tesaṃ vaḍḍhanti āsavā.
Yesāṇca susamāraddhā
Niccaṃ kāyagatā sati,
Akiccante na sevanti
Kicca sātaccakārino,
Satānaṃ sampajānānaṃ
Atthaṃ gacchanti āsavā.
Mātaraṃ pitaraṃ hantvā
Rājāno dve ca khattiye
Raṭṭhaṃ sānucaraṃ hantvā
Anīgho yāti brāhmaṇo.
Mātaraṃ pitaraṃ hantvā
Rājāno dve ca sotthiye
Veyyagghapañcamāṃ hantvā
Anīgho yāti brāhmaṇo.
Suppabuddhaṃ pabujjhanti
Sadā gotamasāvaka,
Yesāṃ divā ca ratto ca
Niccaṃ buddhagatā sati.
Suppabuddhaṃ pabujjhanti
Sadā gotamasāvaka,
Yesāṃ divā ca ratto ca
Niccaṃ dhammagatā sati.
Suppabuddhaṃ pabujjhanti
Sadā gotamasāvaka,
Yesāṃ divā ca ratto ca
Niccaṃ saṃghagatā sati.
Suppabuddhaṃ pabujjhanti
Sadā gotamasāvaka,

Yesaṃ divā ca ratto ca
 Niccaṃ kāyagatā sati.
 Suppabuddhaṃ pabujjhanti
 Sadā gotamasāvaka,
 Yesaṃ divā ca ratto ca
 Ahimsāya rato mano.
 Suppabuddhaṃ pabujjhanti
 Sadā gotamasāvaka,
 Yesaṃ divā ca ratto ca
 Bhāvanāya rato mano.
 Duppabbajjaṃ durabhiraṃ,
 Durāvāsā gharā dukhā,
 Dukkho samānasamvāso,
 Dukkhanupatitaddhagū,
 Tasmā na caddhagū siyā
 Na ca dukkhanupatito siyā.
 Saddho sīlena sampanno
 Yasobhogasamappito.
 Yaṃ yaṃ padesaṃ bhajati
 Tattha tattheva pūjito.
 Dūre santo pakāsentī
 Himavantova pabbato,
 Asantettha na dissanti
 Rattikhittā yathā sarā.
 Ekāsaṇaṃ ekaseyyaṃ
 Eko caramatandito,
 Eko damayamattānaṃ
 Vanante ramito siyā.
 Pakiṇṇakavaggo ekavīsatiṃ.

Nirayavaggo.

Abhūtavādī nirayaṃ upeti,
 Yo vāpi katvā na karomīti cāha,
 Ubhopi te pecca samā bhavanti,
 Nihīnakammā manuṇṇā parattha.
 Kāsāvakaṇṭhā bahavo
 Pāpadhammā asaṇṇatā
 Pāpā pāpehi kammehi
 Nirayante uppajjare.
 Seyyo ayogūlo bhutto
 Tatto aggisikhūpamo,
 Yaṇce bhuñjeyya dussilo
 Raṭṭhapinḍaṃ asaṇṇato.

Cattāri ṭhānāni naro pamatto
 Āpajjati paradārūpasevī,
 Apuṇṇalābhaṃ nanikāmasēyyaṃ

Nindaṃ tatīyaṃ nirayaṃ catutthaṃ.
 Apuññalābho ca gatī ca pāpikā
 Bhītassa bhītāya ratī ca thokikā
 Rājā ca daṇḍaṃ garukaṃ paṇeti
 Tasmā naro paradāraṃ na seve.

Kuso yathā duggahīto
 Hatthamevānukantati,
 Sāmaññaṃ dupparāmaṭṭhaṃ
 Nirayāyupakaḍḍhati.
 Yaṃ kiñci saṭhilaṃ kammaṃ
 Saṃkiliṭṭhañca yaṃ vataṃ,
 Saṃkassaraṃ brahmacariyaṃ
 Na taṃ hoti mahapphalaṃ.
 Kayirañce kayirathenaṃ
 Daḥhamenaṃ parakkame,
 Saṭilo hi paribbājo
 Biyyo ākirate rajaṃ.
 Akataṃ dukkataṃ seyyo
 Pacchā tapati dukkataṃ,
 Katañca sukataṃ seyyo
 Yaṃ katvā nānutappati.
 Nagaraṃ yathā paccantaṃ
 Guttaṃ santarabāhiraṃ,
 Evaṃ gopetha attānaṃ
 Khaṇo ve mā upaccagā,
 Khaṇātītā hi socanti
 Nirayamhi samappitā.
 Alajjitā ye lajjanti
 Lajjitā ye na lajjare,
 Micchādiṭṭhisamādānā
 Sattā gacchanti duggatiṃ.
 Abhaye bhayadassīno
 Bhaye ca abhayadassino
 Micchādiṭṭhisamādānā
 Sattā gacchanti duggatiṃ.
 Avajje vajjamatino
 Vajje ca avajjadassino
 Micchādiṭṭhisamādānā
 Sattā gacchanti duggatiṃ.
 Vajjañca vajjato ñatvā
 Avajjañca avajjato
 Sammādiṭṭhisamādānā
 Sattā gacchanti sugatiṃ.
 Nirayavaggo dvāvīsatiṃ.

Nāgavaggo

Ahaṃ nāgo va saṃgāme
 Cāpato patitaṃ saraṃ,
 Ativākyantitikkhissaṃ
 Dussilo hi bahujjano.
 Dantaṃ na yanti samitiṃ,
 Dantaṃ rājābhirūhati,
 Danto seṭṭho manussesu
 Yotivākyantitikkhati.
 Varamassatarā dantā
 Ajānīyāva sindhavā
 Kuñjarāva mahānāgā
 Attadanto tato varaṃ.
 Na hi etehi yānehi
 Gaccheyya agataṃ disaṃ,
 Yathāttanā sudantena
 Danto dantena gacchati.
 Dhanapālako nāma kuñjaro
 Kaṭukappabhedano dunnivārayo
 Baddho kabalaṃ na bhuñjati,
 Sumarati nāgavanassa kuñjaro.
 Middhī yadā hoti mahagghaso ca
 Niddāyitā samparivattasāyī
 Mahāvarāhova nivāpapuṭṭho
 Punappnaṃ gabbhamupeti mando.
 Idaṃ pure cittamacāri cārikaṃ
 Yenicchakaṃ yatthakāmaṃ yathāsukhaṃ
 Tadajjahaṃ niggahessāmi yoniso
 Hatthippabhinnaṃ viya amkussaggaho.

Appamādaratā hotha
 Sacittamanurakkhatha,
 Duggā uddharathattānaṃ
 Paṃke sannova kuñjaro.

Sace labhetha nipakaṃ sahāyaṃ
 Saddhiṃcaraṃ sādhuvihāridhīraṃ
 Abhibhuyya sabbāni parissayāni
 Careyya tenattamano satimā.
 No ce labhetha nipakaṃ sahāyaṃ
 Saddhiṃcaraṃ sādhuvihāridhīraṃ
 Rājāva raṭṭaṃ vijitaṃ pahāya
 Eko care mātaṃgaraññaeva nāgo.

Ekassa caritaṃ seyyo
 Natthi bāle sahāyatā,

Eko care na ca pāpāni kayirā,
 Appossukko mātaṃgaraññaeva nāgo.

Atthamhi jātamhi sukhā sahāyā,
Tuṭṭhī sukhā yā itarītareṇa
Puññaṃ sukhāṃ jīvitasaṃkhayamhi,
Sabbassa dukkhassa sukhāṃ pahānaṃ.

Sukhā metteyyatā loke
Atha petteyyatā sukhā.
Sukhā sāmāññatā loke
Atha brahmaññatā sukhā.
Sukhaṃ yāva jarā sīlaṃ
Sukhā saddhā paṭiṭṭhitā
Sukho paññāya paṭilābho
Pāpānaṃ akaraṇaṃ sukhāṃ.

Nāgavaggo tevīsatiṃ

Taṇhāvaggo

Manujassa pamattacārino

Taṇhā vaḍḍhati māluvā viya
So palavatī hurāhuraṃ
Phalamicchaṃva vanasmiṃ vānaro.

Yaṃ esa sahatī jammī
Taṇhā loke visattikā,
Sokā tassa pavaḍḍhanti
Abhivaḍḍhaṃva bīraṇaṃ.
Yo ve taṃ sahatī jammī
Taṇhaṃ loke duraccayaṃ,
Sokā tamhā papatanti
Udabinduva pokkharā.
Taṃ vo vadāmi bhaddaṃ vo
Yavantettha samāgatā,
Taṇhāya mūlaṃ khaṇatha
Usīratthova bīraṇaṃ.
Mā vo nalaṃva sotova
Māro bhañji punappaṇaṃ.

Yathāpi mūle anupaddave dalhe
Chinnopi rukkho punareva rūhati,
Evampi taṇhānusaye anūhate
Nibbattati dukkhamidaṃ punappaṇaṃ.

Yassa chattiṃsatīsotā
Manāpassavanā bhusā
Vāhā vahanti duddiṭṭhiṃ
Saṃkappā rāganissitā.
Savanti sabbadhī sotā

Latā ubbhijja tiṭṭhati,
 Tañca disvā lataṃ jātaṃ
 Mūlaṃ paññāya chindatha.

Saritāni sinehitāni ca
 Somanassāni bhavanti jantuno
 Te sātasiṭā sukhesino
 Te ve jātijarūpagā narā.
 Tasiṇāya purakkhatā pajā
 Parisappanti sasova bādhitā,
 Saññojanasamgasattā
 Dukkhamuppenti punappunaṃ cirāya.
 Tasiṇāya purakkhatā pajā
 Parisappanti sasova bādhitā,
 Tasmā tasiṇaṃ vinodaye
 Bhikkhu ākaṃkha virāgamattano.
 Yo nibbanatho vanādhimutto
 Vanamutto vanameva dhāvati,
 Taṃ puggalameva passatha
 Mutto bandhanameva dhāvati.
 Na taṃ daḥhaṃ bandhanamāhu dhīrā
 Yadāyaṃ dārukaṃ pabbajāñca
 Sārattarattā maṇikuṇḍalesu
 Puttesu dāresu ca yā apekhā.
 Etaṃ daḥhaṃ bandhanamāhu dhīrā
 Oharinā sithilā duppamuñcaṃ
 Etaṃ pi chetvāna paribbajanti.
 Anapekhino kāmasukhaṃ pahāya.
 Ye rāgarattānupatanti soṭaṃ
 Sayamkataṃ makkaṭakova jālaṃ
 Etaṃ pi chetvāna vajanti dhīrā
 Anapekhino sabbadukkaṃ pahāya.
 Muñca pure muñca pacchato
 Majjhe muñca bhavassa pāragū
 Sabbattha vimuttamānaso
 Na punaṇjātijaraṃ upehisi.
 Vitakkaṃ mathitassa jantuno
 Tibbarāgassa subhānupassino
 Bhiyyo taṇhā pavaḍḍhati,
 Esa kho daḥhaṃ karoti bandhanaṃ
 Vitakkūpasame ca yo rato
 Asubhaṃ bhāvayati sadā sato
 Esa kho vyantikāhiti
 Esacchecchati mārabandhanaṃ.

Niṭṭhaṃ gato asantāsī
 Vītataṇho anamaṇaṃ,
 Acchidha bhavasallāni

Antimoyaṃ samussayo.
 Vītataṇho anādāno
 Niruttipadakovido
 Akkharānaṃ sannipātaṃ
 Jaññā pubbaparāni ca
 Sa ve antimasārīro
 Mahāpañño mahāpurisoti vuccati.

Sabbābhīdhu sabbavidūhamasmi
 Sabbesu dhammesu anūpalitto
 Sabbañjaho taṇhakkhaye vimutto
 Sayāṃ abhiññāya kamuddiseyyaṃ.
 Sabbadānaṃ dhammadānaṃ jināti,
 Sabbāṃ rasāṃ dhammaraso jināti,
 Sabbāṃ ratīṃ dhammaratī jināti,
 Taṇhakkhaya sabbadukkhāṃ jināti.

Hananti bhogā dummedhaṃ
 No ce pāragavesino,
 Bhogataṇhāya dummedho
 Hanti aññeva attanaṃ.
 Tiṇḍosāni khetṭāni,
 Rāgadosā ayaṃ pajā,
 Tasmā hi vītārāgesu
 Dinnaṃ hoti mahapphalaṃ.
 Tiṇḍosāni khetṭāni,
 Dosadosā ayaṃ pajā,
 Tasmā hi vītadosesu
 Dinnaṃ hoti mahapphalaṃ.
 Tiṇḍosāni khetṭāni,
 Mohadosa ayaṃ pajā,
 Tasmā hi vītamoheṣu
 Dinnaṃ hoti mahapphalaṃ.
 Tiṇḍosāni khetṭāni,
 Icchādosā ayaṃ pajā,
 Tasmā hi vigaticchesu
 Dinnaṃ hoti mahapphalaṃ.
 Taṇhāvaggo catuvīsatiṃ.

Bhikkhuvaggo.

Cakkhunā saṃvaro sādhu,
 Sādhu sotena saṃvaro,
 Ghāṇena saṃvaro sādhu,
 Sādhu jivhāya saṃvaro.
 Kāyena saṃvaro sādhu,
 Sādhu vācāya saṃvaro,
 Manassā saṃvaro sādhu,

Sādhū sabbattha saṃvaro,
Sabbattha saṃvuto bhikkhu
Sabbadukkhā pamuccati.

Hatthasaññato pādasaññato
Vācāya saññato saññatuttamo
Ajjhattarato samāhito
Eko santusito tamāhu bhikkhuṃ.

Yo mukhasaññato bhikkhu
Mantabhāṇī anuddhato
Atthaṃ dhammañca dīpeti
Madhuraṃ tassa bhāsitaṃ.
Dhammārāmo dhammarato
Dhammaṃ anuvicintayaṃ
Dhammaṃ anussaraṃ bhikkhu
Saddhammā na parihāyati.
Salābhaṃ nātimaññeyya,
Nāññesaṃ pihayañcare,
Aññesaṃ pihayaṃ bhikkhu
Samādhiṃ nādhigacchati.
Appalālopi ce bhikkhu
Salābhaṃ nātimaññati,
Taṃ ve devā pasaṃsanti
Suddhājīviṃ atanditaṃ.
Sabbaso nāmarūpasmiṃ
Yassa natthi manāyitaṃ,
Asatā ca na socati
Sa ve – Bhikkhūti vuccati.
Muttāvihārī yo bhikkhu
Pasanno bhuddhasāsane
Adhigacche padaṃ santaṃ
Saṃkhārūpasamaṃ sukhaṃ.
Siñca bhikkhu imaṃ nāvaṃ,
Sittā te lahumessati,
Chetvā rāgañca dosañca
Tato nibbānamehisi.
Pañca chinde pañca jahe
Pañca uttari bhāvaye,
Pañcasamgātigo bhikkhu
– Oghatiṇṇoti vuccati.

Jhāya bhikkhu mā ca pamādo
Mā te kāmagaṇe bhavassu cittaṃ
Mā lohagaṇaṃ gilī pamatto
Mā kandī – Dukkhamidanti dayhamāno.

Natthi jhānaṃ apaññassa

Paññā natthi ajhāyato,
 Yamhi jhānañca paññañca
 Sa ve nibbānasantike.
 Suññāgāraṃ pavitṭhassa
 Santacittassa bhikkhuno
 Amānusi ratī hoti
 Sammā dhammaṃ vipassato.
 Yato yato sammasati
 Khandhānaṃ udayabbayaṃ,
 Labhatī pītipāmojjaṃ
 Amataṃ taṃ vijānataṃ.
 Tatrāyamādi bhavati
 Idha paññassa bhikkhuno,
 Indriyagutti santuṭṭhī
 Pātimokkhe ca saṃvaro,
 Mitte bhajassu kalyāṇe
 Suddhājīve atandite.
 Paṭisanthāravuttyassa
 Ācāraṃ kusalo siyā,
 Tato pāmojjabahulo
 Dukkassantaṃ karissati.
 Vassikā viya pupphāni
 Maddavāni pamuñcati,
 Evaṃ rāgañca dosañca
 Vipparamuñcetha bhikkhavo.
 Santakāyo santavāco
 Santavā susamāhito
 Vantalokāmisso bhikkhu
 – Upasantoti vuccati.
 Attanā codayattānaṃ
 Paṭimāsettamattanā
 So attagutto satimā
 Sukhaṃ bhikkhu vihāhisi.
 Attā hi attano nātho,
 Attā hi attano gati,
 Tasmā saññamayattānaṃ
 Assaṃ bhadraṃva vāṇijo.
 Pāmojjabahulo bhikkhu
 Pasanno buddhasāsane
 Adhigacche padaṃ santaṃ
 Saṃkhārūpasamaṃ sukhaṃ.
 Yo have daharo bhikkhu
 Yuñjati buddhasāsane,
 So imaṃ lokaṃ pabhāseti
 Abbhā muttova candimā.
 Bhikkhuvaggo pañcavīsatiṃ.

Brāhmaṇavaggo.

Chinda sotam parakkamma,
 Kāme panuda brāhmaṇa,
 Saṃkhārānaṃ khayam ñatvā
 Akataññūsi brāhmaṇa.
 Yadā dvayesu dhammesu
 Pāragū hoti brāhmaṇo,
 Athassa sabbe saṃyoga
 Atthaṃ gacchanti jānato.
 Yassa pāraṃ apāraṃ vā
 Pārāpāraṃ na vijjati,
 Vītaddaraṃ visaññuttaṃ
 Tamahaṃ brūmi brāhmaṇaṃ.
 Jhāyīm virajamāsīnaṃ
 Katakiccaṃ anāsavaṃ
 Uttamatthaṃ anuppattaṃ
 Tamahaṃ brūmi brāhmaṇaṃ.
 Divā tapati ādicco,
 Rattimābhāti candimā,
 Sannaddho khattiyo tapati,
 Jhāyī tapati brāhmaṇo,
 Atha sabbamahorattiṃ
 Buddho tapati tejasā.

– Bāhitapāpoti brāhmaṇo
 Samacariyā – Samaṇoti vuccati
 Pabbājayattattano malaṃ
 Tasmā – Pabbajitoti vuccati.

Na brāhmaṇassa pahareyya
 Nāssa muñcetha brāhmaṇo,
 Dhi brāhmaṇassa hantāraṃ
 Tato dhī yassa muñcati.

Na brāhmaṇassetadakiñci seyyo
 Yadā nisedho manaso piyehi
 Yato yato hiṃsamano nivattati
 Tato tato sammattimeva dukkhaṃ.

Yassa kāyena vācāya
 Manasā natthi dukkataṃ,
 Saṃvutaṃ tīhi ṭhānehi
 Tamahaṃ brūmi brāhmaṇaṃ.
 Yamhā dhammaṃ vijāneyya
 Sammāsambuddhadesitaṃ,
 Sakkaccaṃ naṃ namasseyya
 Aggihuttaṃva brāhmaṇo.
 Na jaṭāhi na gottehi
 Na jacco hoti brāhmaṇo,

Yamhi saccañca dhammo ca
 So suci so ca brāhmaṇo.
 Kinte jaṭāhi dummedha,
 Kinte aḷinasāṭṭiyā,
 Abbhantarante gahaṇaṃ
 Bāhiraṃ parimaḷḷasi.
 Paṃsukūladharaṃ jantaṃ
 Kisandhamanisanthataṃ
 Ekaṃ vanasmiṃ jhāyanti
 Tamahaṃ brūmi brāhmaṇaṃ.
 Na vāhaṃ brāhmaṇaṃ brūmi
 Yonijaṃ mattisambhavaṃ,
 Bhovādi nāma so hoti
 Sa ve hoti sakiñcana,
 Akiñcanaṃ anādānaṃ
 Tamahaṃ brūmi brāhmaṇaṃ.
 Sabbasaṃyojanaṃ chetvā
 Yo ve na paritassati,
 Saṃgātiṃ viṣaṃyuttaṃ
 Tamahaṃ brūmi brāhmaṇaṃ.
 Chetvā nandiṃ varattañca
 Sandānaṃ sahanukkamaṃ
 Ukkhittapalighaṃ buddhaṃ
 Tamahaṃ brūmi brāhmaṇaṃ.
 Akkosā vadhābandhañca
 Aduṭṭho yo titikkhati,
 Khantībalaṃ balāṇikaṃ
 Tamahaṃ brūmi brāhmaṇaṃ.
 Akkodhanaṃ vatavantaṃ
 Silavantaṃ anussutaṃ
 Dantaṃ antimasārīraṃ
 Tamahaṃ brūmi brāhmaṇaṃ.
 Vāri piḷkharapatteva
 Āraggeriva sāsapo,
 Yo na limpati kāmesu
 Tamahaṃ brūmi brāhmaṇaṃ.
 Yo dukkhassa pajānāti
 Idheva khayamattano
 Pannabhāraṃ visaññuttaṃ
 Tamahaṃ brūmi brāhmaṇaṃ.
 Gambhīrapaññaṃ medhāviṃ
 Maggāmaggassa kovidaṃ
 Uttamatthaṃ anuppattaṃ
 Tamahaṃ brūmi brāhmaṇaṃ.
 Asaṃsatṭhaṃ gahaṭṭhehi
 Anāgārehi cūbhayaṃ
 Anokasāriṃ appicchaṃ
 Tamahaṃ brūmi brāhmaṇaṃ.

Nidhāya daṇḍaṃ bhūtesu
 Tasesu thāvaresu ca
 Yo na hanti na ghāteti
 Tamahaṃ brūmi brāhmaṇaṃ.
 Aviruddhaṃ viruddhesu
 Attadaṇḍesu nibbutaṃ
 Sādānesu anādānaṃ
 Tamahaṃ brūmi brāhmaṇaṃ.
 Yassa rāgo ca doso ca
 Māno makkho ca pātito
 Sāsaporiva āraggā
 Tamahaṃ brūmi brāhmaṇaṃ.
 Akakkasaṃ viññāpaniṃ
 Giraṃ saccaṃ udīraye
 Yāya nābhisaṃ kiñci
 Tamahaṃ brūmi brāhmaṇaṃ.
 Yodha dīghaṃ va rassaṃ vā
 Aṇumthūlaṃ subhāsubhaṃ
 Loke adinnaṃ nādiyati
 Tamahaṃ brūmi brāhmaṇaṃ.
 Āsā yassa na vijjanti
 Asmiṃ loke paramhi ca
 Nirāsayaṃ viṣaṃyuttaṃ
 Tamahaṃ brūmi brāhmaṇaṃ.
 Yassālayā na vijjanti
 Aññāya akathaṃkathī
 Amatogadhaṃ anuppattaṃ
 Tamahaṃ brūmi brāhmaṇaṃ.
 Yodha puññaṃca pāpaṃca
 Ubho saṃgaṃ upaccagā,
 Asokaṃ virajaṃ suddhaṃ
 Tamahaṃ brūmi brāhmaṇaṃ.
 Candaṃva vimalaṃ suddhaṃ
 Vipprasannaṃ nāvilāsaṃ
 Nandībhavaṃ parikkhīṇaṃ
 Tamahaṃ brūmi brāhmaṇaṃ.
 Yo imaṃ palipathaṃ duggaṃ
 Saṃsāraṃ mohamaccagā,
 Tiṇṇo pāragato jhāyī
 Anejo akathaṃkathī
 Anupādāya nibbuto
 Tamahaṃ brūmi brāhmaṇaṃ.
 Yodha kāme pahatvāna
 Anāgāro paribbaje,
 Kāmābhavaṃ parikkhīṇaṃ
 Tamahaṃ brūmi brāhmaṇaṃ.
 Yodha taṇhaṃ pahatvāna
 Anāgāro paribbaje,

Taṇhābhavaparikkhīṇaṃ
 Tamahaṃ brūmi brāhmaṇaṃ.
 Hitvā mānusakaṃ yogaṃ
 Dibbaṃ yogaṃ upaccagā,
 Sabbayogavisaṃyuttaṃ
 Tamahaṃ brūmi brāhmaṇaṃ.
 Hitvā ratiṇca aratiṇca
 Sītibhūtaṃ nirūpadhiṃ
 Sabbalokābhibhuṃ vīraṃ
 Tamahaṃ brūmi brāhmaṇaṃ.
 Cutiṃ yo vedi sattānaṃ
 Uppattiṇca sabbaso
 Asattaṃ sugataṃ buddhaṃ
 Tamahaṃ brūmi brāhmaṇaṃ.
 Yassa gatiṃ na jānanti
 Devā gandhabbamānusa,
 Khīṇāsavaṃ arahantaṃ
 Tamahaṃ brūmi brāhmaṇaṃ.
 Yassa pure ca pacchā ca
 Majjhe ca natthi kiñcanaṃ,
 Akiñcanaṃ anādānaṃ
 Tamahaṃ brūmi brāhmaṇaṃ.
 Usabhaṃ pavaraṃ vīraṃ
 Mahesiṃ vijitāvinaṃ
 Anejaṃ nahātaṃ buddhaṃ
 Tamahaṃ brūmi brāhmaṇaṃ.
 Pubbenivāsa yo vedī
 Saggāpāyaṇca passati,
 Atho jātikkhayaṃ patto
 Abhiññāvosito muni,
 Sabbavositavosānaṃ
 Tamahaṃ brūmi brāhmaṇaṃ.
 Brāhmaṇavaggo chabbāsatiṃ.

Yamakaṃ appamadaṃ cittaṃ
 Pupphaṃ bālena paṇḍitaṃ
 Arahantaṃ sahasseṇa
 Pāpaṃ daṇḍena tedasa.
 Jarā attā ca loka ca
 Buddhaṃ sukhaṃ piyena ca
 Kodhaṃ malaṇca dhammaṭṭhaṃ
 Maggavaggena vīsati.
 Pakiṇṇaṃ nirayaṃ nāgo
 Taṇhaṃ bhikkhu ca brāhmaṇo
 Ete chabbāsati vaggā
 Desitādiccabandhuna.
 Yamake vīsati gāthā,

Appamādamhi dvādasa,
Ekādasā cittavagge,
Pupphavaggamhi soḷasa.
Bāle sattarasā gāthā,
Paṇḍitamhi catuddasa,
Arahante dasā gāthā,
Sahassee honti soḷasa.
Terasā pāpavaggamhi,
Daṇḍamhi dasa satta ca,
Ekādasā jarāvagge,
Attavaggamhi dvādasa.
Dvādasā lokavaggamhi,
Buddhavaggamhi soḷasa,
Sukhe ca piyavagge ca
Gāthāyo honti dvādasa.
Cuddasā kodhavaggamhi,
Malavagge kavīsati,
Sattarasā ca dhammatṭhe,
Maggavaggamhi soḷasa.
Pakiṇṇe soḷasa gāthā,
Niraye nāge cuddasa,
Dvāvīsā taṇhāvaggamhi,
Tevīsā bhikkhuvaggakā,
Cattālīsa ca gāthāyo
Brāhmaṇe vaggamuttame.
Gāthāsātāni cattāri
Tevīsā ca punāpare
Dhammapade nipātamhi
Desitādiccabandhunā
Dhammapadam hiṭṭhitam